



## **Takornariartitsinermik inuussutissarsiuteqartunut suliffeqarnermut ikorsiissutinit aningaasanik qinnuteqarnermut, tunniussinermut allaffissornikkullu aqutsinermut malittarisassat 29. januaari 2021-meersut**

Aningaasanut inatsimmi kontomut pingaarnermut 20.10.34-mut oqaasertaliussaq nr. 4 naapertorlugu takornariartitsinermik inuussutissarsiuteqartunut ingerlatsinermut ikorsiissutnik qinnuteqarnermut, tunniussinermut allaffissornikkullu suliffeqarnergullu ikorsiissutit najoqqtassiat aalajangersarneqarput.

Naalakkersuisut Inatsisartut Aningaasaqarnermut Akileraartarnermullu Ataatsimiitaliap akuersineratigut ikorsiissutit pingasut pilersinneqarput, taakkulu atorlugit nunarsuarmi tuniluuttoqarnerata kinguneranik takornariartitsinermik inuussutisarsiuteqartut niuerfimmi pissutsinut suli naleqqussarnissaat qulakkeerneqassaaq inuussutissarsiortullu nunarsuarmi tuniluuttoqarnerata kingunerisai ilimagineqartutut annikilliartornerat ilutigalugu angalaqqitoqalerpat takornarissanik suli sullitaqarsinnaanissaat qulakkeerneqassalluni.

Ikorsiissutit tassaapput ajornartoortoqarnerani ikorsiissutit, ingerlatsinermut ikorsiissutit aamma suliffeqarnermut ikorsiissutit. Ikorsiissutit assigiissutaat tassaavoq takornariartitsinermik inuussutissarsiuteqartunut suliffeqarfinnullu tuniluuttoqarnissaa pinngitsoorniarlugu killilersuinerit ilaattut Naalakkersuisunit matoqquneqarsimasunut tunngatinneqarnerat.

Najoqqtassiat uku suliffeqarnermut ikorsuussutinut atuupput.

### **1 Piumasaqaatit nalinginnaasut**

#### **A. Suliffeqarnermut ikorsiissutit takornariartitsinermik inuussutissarsiuteqarnermi suliffeqarfinnunut tunngapput.**

i. Takornariartitsinermik inuussutissarsiuteqarnertut isigineqartut tassaapput ataani taaneqartuni pingaarnertut minnerpaamik 50 %-inik kaaviaartitallit:

- 49.39.20 Takornarissanik biilnik angallassineq nunamilu ilaasunik angallassinerit allat
- 50.10.00 Ilaasunik immakkut sinerissamilu angallassinerit
- 50.30.00 Immakkut nunap iluatigut ilaasunik angallassinerit

- 51.10.20 Timmisartumik attartornerit taxatullu timmisartumik angalassinerit
  - 55.XX.XX Unnusarfiit
  - 56.XX.XX Neriniartarfiiit
  - 79.11.00 Angalatitseqatigiiffiit
  - 79.12.00 Angalanissanik aaqqissuisartut
  - 79.90.00 Inniminniinissamut sullissisartut sullississutillu allat
  - 90.01.10 Isiginnartitsinerit tusarnaartitsinerillu
  - 90.04.00 Isiginnaartitsivinik tusarnaartitsivinnik, kulturikkut illorsuarnik ingerlatsinerit.
  - 91.02.00 Katersugaasiviit
  - 91.03.00 Oqaluttuarisaanermi eqqaassutissat illullu takornarissanillu ornigarneqartartut allat
- ii. Suliffeqarfiittaaq Covid-19-ip tuniluunnera annikillisinniarlugu killilersuinerit kingunerannik sivikinnerpaamik ulluni 14-ini matoqqanissamik Naalakkersuisunit peqquneqartut suliffeqarnermut ikorsiissutinik taakkunannga qinnuteqarsinnaapput.

B. Suliffeqarnermut ikorsiissutit suliffeqarfinnut qinnuteqarsinnaatitaasunut suliffeqarnermut ikorsiissutinik imaqarput.

- Piffissamat 1. januaari 2021-miit 30. juuni 2021-mut akissarsianut taartisiaqartitsisoqarsinnaavoq. Akissarsianut taartisiat qaammatisiutit malillugit qaammatikkaarlugit naatsorsorneqartassapput.
- Qinnuteqartut aningaasaqarneq pissutigalugu sulisunik soraarsitsisimasut sulisunik allanik soraarsitsinermi akissarsianut taartisinissamik kingusinnerusukkut qinnuteqarnissamut mattunneqanngillat. Taamaattoqarnerani akissarsianut taartisiat siusinnerpaamik ullormit kingullermik soraarsitsinermiit taassuma kingorna ulloq siulleq atuutilersinnaapput.
- Sulisut piffissami soraarsitsinissamik siumut nalunaaruteqarnerup kingorna suliffeqarfimmi sulismanersut apeqqutaatinnagu sulisunut soraarsinneqareersunut akissarsianut taarsiisitsisoqarsinnaanngilaq.

C. Akissarsianut taartisiat piffissanut ullunut 14-inut qaammammulluunniit akissarsisitsinermut nalinginnaasumut atatillugu naatsorsorneqassapput.

- Akissarsianut taartisiaassanik qaammammi akissarsisitsiviusumi qaammatisiutit malillugit qaammatinik marlunnik ilallugit qinnuteqartoqarsinnaavoq. Tamanna imatut paasineqassaaq suliffeqarfiit akissarsianut januaarimi akilerneqartunut januaarimi, februaarimi marsimilu taarsigivineqarnissamik qinnuteqarsinnaasut.

D. Aaqqissuussineq 1. januaari 2021-mit ulloq 30. juuni 2021 ilanngullugu atuuppoq.

## **2 Akissarsianut taartisinissamut piumasaqaatit**

A. Suliffeqarfik CVR-imi Kalaallit Nunaanni angerlarsimaffeqartutut nalunaarsorsimassaq. CVR-normut ataasiakkaat ataani immikkoortut P-it amerlassusaat apeqquatainnagu qinnuteqaatitut ataatsitut isigineqassapput. Immikkoortut P-t immikkut qinnuteqarsinnaanngillat

B. Suliffeqarfifit pisortat pigisaat, tassunga ilanngullugit aktiaatileqatigiiffit Namminersorlutik Oqartussat kommunillu pigisaat, aaqqissuussinermik atuisinnaanngillat. Pisortat suliffeqarfii imatut paasineqassapput suliffeqarfifit tamarmik pisortanit toqqaannartumik toqqaannanngitsumilluunniit pigineqartut, suliffeqarfiillunniit pisortanit 49 %-mik piginneqataaffigineqartut.

Aaqqissuussineq aamma peqatigiiffinnut, aningaasaateqarfinnut ingerlatsivinnullu imminnut pigisunut, pisortat ingerlatseqatigiiffit ingerlatsinermi aningaasartuutaannut nalinginnaasunut tamarmiusunut affaa ataallugit tapiissuteqartarpata atuuppoq.

C. Suliffeqarfiup kaaviiartitanit 2020-mi annaasai 2019-imut sanilliullugu minnerpaamik 30 %-iuneri upternarsinnaassavai. Taakku tassaapput 2020-mi tamarmi kaaviiartitat 2019-imi tamarmi kaaviiartitanut sanilliunneqartussat. Isertitat tamarmik, Inuussutissarsiuititunut ikiuutit tapiissutillu allat ilanngunneqassapput. Suliffeqarfifit 2019-imi kaaviaartitaqarsimannngitsut tapersiiffigineqarsinnaatitaanngillat.

i. 2.C. suliffeqarfinnut 1.A.ii-mi ilaasunut atuutinngilaq.

F. Suliffeqarfimmi sulisut amerlanersaat Kalaallit Nunaanni najugaqassapput.

G. Suliffeqarfiup aqutsisui piginnittuilu akileraartarneq pillugu inatsimmik unioqqutitsisutut eqqartuunneqarsimassanngillat imaluunniit Kalaallit Nunaanni pinerluttulerineq pillugu inatsimmi aningaasanik pinerluuteqarneq pillugu aalajangersakkanik ukiuni kingullerni tallimani unioqqutitsisimassanatik.

H. Angerlartitsinermi qinnuteqartup sulisui piffissami akissarsianik taartisiffiusumi ikinnerpaamik 30 %-ii imaluunniit sulisut ikinnerpaamik 25-t pineqassapput. Suliffeqarfik sulisut amerlassusaannik naatsorsuinermini sulisut aalajangersimasumik atorfekartut atussavai. Aaqqissuussineq sulisunut piffissat ilaannaanni sulisartunut atuutinngilaq.

I. Angerlartitsinermi tamakkiisumik akissarsiaqartitsisoqassaaq.

J. Angerlatitsineq COVID-19-ip toqqaannartumik kingunerissavaa. Sulisoq piffissami angerlartinneqarfiusumi qinnuteqartumi suliassanik suliaqassanngilaq – imaluunniit sulisitsisumi allami nutaamik akissarsiaqarfiusumik (akissarsiarineqareersulluunniit annertusisisitsilluni) sulissanani.

### **3 Pinngitsoorani sulinngiffeqarneq/qaangiuttoornermut taarsiullugu sulinngiffeqarneq**

A. Sulisoq qaammatisiutit malillugit qaammatini tamani ulluni tallimani sulinngiffeqassaaq/qaangiuttoornermut taarsiullugu sulinngiffeqassaaq. Piffissaq akissarsianut taartisiviusoq ullunit 14-nit sivikinneruppat piffissaq sulinngiffeqarfik ulluni 2,5-ini sulinngiffeqarnertut/qaangiuttoornermut taarsiullugu sulinngiffeqarnertut naatsorsorneqassaaq, taamaanngippat ullut 14-it sinnerlugit qaammatisiutillu malillugit qaammat ilivitsoq ataaseq tikillugu akissarsianut taartisiffiusumi ullut sulinngiffeqarnerit/qaangiuttoornermut taarsiullugu sulinngiffeqarnerit tallimaassapput.

B. Sulisunut akissarsiaqarluni sulinngiffeqarnissamik katersismanngitsunut aningaasat taartisiarineqartut 2,5/30-mik imaluunniit 5/30-imik ikilisinneqassapput.

### **4 Akissarsianut taartisianik naatsorsuineq**

A. Akissarsianut aningaasartuutit soraarnerussutisiassanik ileqqaakkanik aaqqissuussinerit sulisitsisumit allaffissornikkut aqunneqartut ilanngullugit 90 %-iinik akissarsianut taartisiaqartitsisoqassaaq, kisiannili piffissaq tamaat sulisumut ataatsimut qaammatisiutit malillugit qaammammut ataatsimut annerpaaqik 20.190 kr.-it.

B. Piffissaq akissarsianut taartisiaqarfiusoq ullunit 30-nit sivikinneruppat, taartisiat ulloq unnuarlu ilivitsumut qaninnermut qummut aaqqillugit naatsorsorneqassapput. Tassani akissarsianut aningaasartuutit assingi aningaasat pisortanit qinnuteqartumut tapersiissutigineqarsimasinnaasut ilanngaatigineqassapput.

### **5 Qinnuteqarneq upternarsaanerlu**

A. Akissarsianut aningaasartuutaareersimasunik soraarnerussutisiassamut ileqqaakkanik aaqqissuussinerit sulisitsisumit allaffissornikkut aqunneqartut ilanngullugit taartisiaqartinneqarnissamik qinnuteqartoqarsinnaavoq. Piffissamut akissarsianut taarsiaqartinneqarfiusussamut qinnuteqarmut akissarsiat allagartaat nassiunneqassapput.

B. Akissarsianut taartisiaqartinneqarnissamik sullissivik.gl / Borger.gl aqqutigalugu qinnuteqartoqassaaq. Paassisutissat suliamut attuumassuteqartut tamarmik nittartagaq aqqutigalugu nassiunneqarsimatinngagit qinnuteqaat tiguneqarsimassanngilaq.

B. Qinnuteqarnermi eqqortunik paassisutissiisimanermik ilumoorluinnarluni nalunaaruteqartoqassaaq aammalu paassisutissat oqartussanit suliamut

attuumassuteqartunit pissarsiarineqarsinnaanerannik suliarineqarsinnaanerannillu  
akuersinermik nalunaaruteqartoqassalluni.

C. Naalakkersuisut akissarsianut taartisiaqartinneqarnissamut piumasaqaatit eqqortinneqarsimanissaasa qulakkeernissaa siunertarlugu paasissutissanik annertunerusunik piumasaqarsinnaapput. Paasissutissanik annertunerusunik tunniussinissamut naleqquttumik piffissaliisoqassaaq. Piffissarititap iluani paasissutissanik tunniussisoqanngippat qinnuteqaat itigartitsissutigineqassaaq.

## 6 Akiliineq

A. Akissarsianut taartisianik akiliinermi qaammatisiutit malillugit qaammammi akileraarutinut A-nut matussutitut 30 %-ii akiliutigigallatut uninngatinneqassapput.

## 7 Nakkutilliineq aamma utertitsilluni akiliineq

A. Taartisiaritinneqartut imatut pisoqarpat utertillugit akilerneqarnissaat piumasarineqarsinnaavoq:

- i. Qinnuteqartoq aningaasaqarneq pissutigalugu piffissami akissarsianut taartisiaqartitsiviusumi sulisunik soraarsitsippat.
- ii. Qinnuteqartup sulisoq piffissami akissarsinik taartisiaqartitsiviusumi suliseqqilerpagu.
- iii. Qinnuteqartoq akissarsianut taartisiaqartinneqarnissamik qinnuteqarnermi eqqunngitsumik paasissutissimappat.
- iv. Qinnuteqartoq taartisiaqarsinnaatitaanani piumasaqaatilluunniit qulaaniittut akimorlugit akissarsianut tartisisimappat.

B. Suliffeqarfik akissarsianut taartisianik akiliiffigineqarnermut piumasaqaatitut tamassuma kingorna nakkutilliinissaq siunertaralugu Naalakkersuisunut piumasaqaateqarfigineqarnikkut paasissutissiissaq.

C. Naalakkersuisut pisinnaatitaaffigisanik tapersiisoqarsimanersoq kukkunersiuisumit nalunaaruteqartoqarnissaanik piumasaqaateqarsinnaapput.  
i. Naalakkersuisut aningaasaliissutigineqartunik kukkunersiuisoq akuerineqartoq atorlugu nakkutilliisinnaapput.

D. Aningaasat akilerneqartut imatut pisoqarnera paasinarsippat tamakkiissumik ilaannakortumilluunniit utertillugit akilerneqarnissaat Naalakkersuisut piumasarisinnaavaat:

- i. akiliinermi tunngaviit annertuumik allangorpata.
- ii. suliffeqarfik eqqunngitsunik paasissutissiissimappat imaluunniit suliffeqarfip paasissutissiissutigineqartunik eqqortuusorinnissimanera apeqqutaatinnagu paasissutissanik suliamik aalajangiinermi pingaaruteqartunik nipangiussisimappat.
- iii. upternarsaatit piumasarineqartut piffissarititap aalajangiussap iluani Akileraartarnermut Aqutsisoqarfimmit pissarsiarineqarsimannngippata imaluunniit imaluunniit paasissutissat naammanngippata.

E. Suliffeqarfik eqqunngitsunik paassisutissiisimappat imaluunniit suliamik suliariinninnermi salloqittaaniarsarisimappat Naalakkersuisut Kalaallit Nunaanni Pinerluttulerineq pillugu inatsit, inatsit nr. 306, 30 april 2008-meersoq malillugu kinguneqartitsinissap aallartinneqarnissa siunertaralugu Politiinut unnerluutiginnissapput.

F. Akissarsianut taartisiat akilerneqartut Akileraartarnermut Aqutsisoqarfimmumt nalunaarutigineqassapput.

## 8 Suliassanik suliariinnermut malittarisassat

A. Akileraartarnermut Aqutsisoqarfik akissarsianut taartisiaqartinnejarnissamik qinnuteqaatinik allaffissornikkut aqutsisuuvvoq suliariinnittuullunilu.

B. Akileraartarnermut Aqutsioqarfiup akissianik taartisiat pillugit aalajangiineri Inuuussutissarsiornermut Suliffeqarnermullu Naalakkersuisoqarfimmumt ugguna [STmaalaarut@nanoq.gl](mailto:STmaalaarut@nanoq.gl) aalajangiinermit sapaatit akunneri sisamat qaangiutsinnagut maalaarutigineqarsinnaapput.